



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1664

Quæst. 9. Vtrum in hac vita mortali possit homo videre Deum, sicuti est.
Aut etiam aliquando de facto viderit.

[urn:nbn:de:hbz:466:1-76990](https://nbn-resolving.de/urn/resolver.pl?urn=urn:nbn:de:hbz:466:1-76990)

quod dixerit in 2. dist. 3. q. 9. posse Angelum per virtutem naturalem quiditatem cognoscere essentiam Dei, prout est in se. Sed mens Scotti aliena est à predicto errore, vt notat Soar. loco citato: quia expressè facetur, visionem intuitivam Dei supernaturalem esse: eam verò, quam ipse addit, esse abstractivam. De cuius sententiâ nos supra q. 3. satis diximus.

Propositio vnica.

¹³⁴ Intellectus creatus proprijs naturæ viribus nequit videre Deum intuitiuè, sicuti est in se.

Propositio est de fide definita à Clem. 5. in Concilio Vienensi, vt habetur in Clementinâ Ad nostrum citatâ. Et contenta in sacra Scriptura illis in locis, vbi de visione beatificâ tanquam de dono gratuito ultra naturæ debitum, ac supernaturali premio agit. Ptol. 85. Gratiam, & gloriam dabit Dominus. Ad Rom. 6. Suspendit peccati mors. Gratia autem Dei vita eterna. Ioan. 4. Qui diligit me, manifestabo ei meipsum: vtique in premium proportionatum supernaturalis dilectionis. Isaïa 64. Oculus non vidit Deus absque te, (id est, absque tuo supernaturali iuuamine), qua preparasti expectantibus te. Matth. 11. Nemo nouit Filium, nisi Pater; neque Patrem quis nouit, nisi Filius, & cui voluerit Filius revelare: puta, non solum reuelatione fidei, sed clara visionis. Faciunt etiam ad rem loca Scripturæ commemorata q. 7. quæ, dum absolute pronunciant, Deum esse inuicibilis, neminemque eum aut vidisse, aut posse videre, non solum visionem corpoream, sed intellectualē etiam naturæ viribus acquisitam videntur excludere. Consentient Patres, & alij Interpretæ ad loca Scripturæ commemorata. Quorum plures referunt Soar. suprà Vazq. disp. 41. Gran. tract. 4. disp. 2. & alij Scholastici. Qui vnamini consensu propositionem datam tanquam fidei dogma defendunt cum Magistro in 4. dist. 49. & S. Th. I. p. q. 12. art. 4. Eamque tam de intellectu Angelico, quam de humano, docent, intellegendam.

¹³⁵ Ratione etiam Theologica eadem veritas probari potest. Quia certum est secundum fidem contra Pelagium, fidem, spem, charitatem, ceterosque habitus, & virtutes, quibus tanquam necessariis medijs visio beatifica obtinetur, dona esse supernaturalia supra omnes vires, supra omnemque naturæ debitum gratis collata à Deo. Ergo multo potiori iure erit etiam huiusmodi visio ipsa, quæ aliorum donorum finis est. Vnde, vt notat Soar. suprà n. 2. eti Pelagius expressè non dixerit, posse intellectum creatum solis naturæ viribus videre clarè Deum; tamen, si consequenter processit, in hunc errorum simul cum alijs, non potuit non etiam impingere.

¹³⁶ Ratio denique naturalis propositionis est. Quia vires naturales intellectus creati debiliores esse videntur, quam, vt sine speciali, indebito que Dei auxilio ad actum tam sublimem possint pertingere, quam est visio intuitiva Dei.

¹³⁷ Ex quibus concluditur, certum secundum fidem esse, visionem beatificam supernaturalem esse aliquà ratione. Quà verò ratione talis sit, an quoad substantiam, an quoad modum, &c. infra disp. seq. latè tractandum est. Vbi etiam examinandum veniet, num sit pos-

sibilis intellectus creatus, cui visio beatifica connaturalis sit. Et alia ad rem plura.

Quæstio IX.

Virum in hac vita mortali possit homo videre Deum, sicuti est. Aut etiam aliquando de facto viderit.

Propositio 1.

De potentia Dei absoluta benè potest ¹³⁸ homo mortalis degens in corpore passibili intuitiuè videre Deum.

Hanc propositionem tenent omnes Theologi, eamque certissimam vocat Soar. lib. 2. de Attrib. cap. 30. n. 2 & Salas 1. 2. tract. 2. disp. 10. sec. 3. n. 22. dicit, ferè esse certam de fide. Primo; quia Christus Dominus vivens in carne mortali, & passibili continuò videt clarè Deum, vt est apud Catholicos indubitatum. De quo intrat. de Incarnat. Secundo; quia anima Beatorum, resumptis corporibus post diem iudicij, non obstante unione cum ipsis, visura sunt Deum in eternum, sicuti est in t., vt fide sanctum est. Tertio; quia alligatio animæ ad corpus mortale, & possibile, & quæ inde oriunda ex cogitari possunt impedimenta potentia absolute Dei obstat non possunt, quominus communicet homini, si velit, visionem claram sui; vt discurrenti per singula conspicuum fieri. De quibus particularim agit Falol. I. p. q. 12. art. 11. dubit. 1.

Dices. Visio Dei constituit hominem beatum: sed beatitudine nequit compati cum ærumnis corporis passibili. Ergo neque cum his potest componi visio Dei. Admisâ modò absolute maiori, distinguo minorem. Beatitudo substantialis nequit cum ærumnis corporis passibili compati naturaliter; transcant. Supernaturaliter; nego. De quibus omnibus plura suo loco dicenda sunt.

Propositio 2.

De potentia Dei ordinaria, & secundum communem ordinem naturæ, & gratia nemo in praesenti vita potest intuitiuè videre Deum.

Hæc propositio certa secundum fidem est, vt docent Soar. suprà n. 3. Salas n. 24. & sec. 2. n. 16. Falol. dubit. 2. Valen. pun. 7. Mol. disp. 1. Heric. in comm. art. 11. post disp. 52. Gran. tract. 7. disp. 1. n. 1. Recupit. lib. 6. q. 13. n. 4. & apud eos alij. Sumitur autem ex illo Exod. 33. Non videbit me homo, & vivet. Ex illo Ioan. I. Deum nemo vidit unquam. Ex illoque I. ad Tim. 3. Quem nemo hominum vidit; sed nec videre potest. Hæc enim loca non solum negant, esse homini possibile, naturæ viribus spectatis, visionem Dei; sed etiam esse ei possibilem in hac vita iuxta communem ordinem gratia, & legem ordinariam Dei, vt multi Patres exponunt; qui apud præcitos Doctores videri possunt; corum præsertim, qui contra Anomos, utrumque alterentes possibile, disputarunt; de quibus mentionem fecimus q. 1. & 8. Facit etiam definitio Concilij

Vie-

Vienensis in Clementinā *Ad nostrum de heretis* contra Beguardos, & Beguinās dicentes, non solum proprijs viribus, sed etiam in hac vitā lege communi posse ab hominib⁹ Deum videri, vt constat ex dicta Clementinā.

141

Ratio autem, cur Deus ordinariā lege statuerit, viatoribus non concedere visionem intuitiūm sui, est. Primo; quia tempus huius vitæ est tempus merendi, & pugnandi, non frondi premio, quod maximē in visione consistit. Quo circa aiebat Paulus 2. Corinth. 5. *Dum sumus in corpore peregrinamur à Domino: per fidem enim ambulamus, & non per speciem.* Et 1. Corinth. 13. *Video nunc per speculum in aenigmata; tunc autem facie ad faciem.* Et Ioan. in sua epist. 1. cap. 2. *Cum apparuerit, similes ei erimus: quoniam videbimus eum, sicuti est.* Quasi dicat, non esse hoc in hac vitā expectandum, sed in futura. Secundo; quia valde alienum est à natura, & sublimatæ visionis coniungi in puro homine cum carne mortali, & passibili, cùm eiusque functionibus, & modo operandi; neque id consentaneum ad naturas rerum, quarum exigentias ordinariæ se Deus accommodat, fieri potest.

142

Iam quod secundum, quod querebamus in præfixo questionis titulo, an scilicet Deus per exceptionem dictæ legis communis aliqui hominum aliquando visionem sui intuitiūm in hac vita communicauerit; imprimis tanquam dogma certum, fideique proximum supponitur ex tract. de Incarn. Christum Dominum semper à primo instanti sue conceptionis vidisse Deum intuitiūm; atque ita, dum exxit in hac vitā mortali, viatorem, & simul comprehensorem fuisse. Deinde 3. V. M. aliquando intra statum viæ vidisse Deum intuitiūm, Theologorum, qui rem attigerunt concors sententia est, ut videbimus proposit. 5. Potissima difficultas versatur circa Moylen, & Paulum. Quia de his præcipue est ratio dubitandi, & inter Theologos controvèrsia. In qua prima sententia est, Moylen, & Paulum in hac vitā aliquando vidisse Deum intuitiūm, sicuti est īsc̄. Sic tenent S. August. lib. 12. de Genes. ad lītt. cap. 27. & 28. & epist. 11. cap. 12. Tum in dialogo Orosij q. 63. & Serm. 46. ad fratres Eremo. & S. Th. 1. p. q. 12. art. 11. ad 2. & 12. q. 174. art. 4. in corp. & q. 175. art. 3. & 3. p. q. 7. art. 8. ad 1. s̄epe alibi. Tenent insuper hanc sententiam plurimi ex antiquioribus Theologis, & sacra Scriptura Interpretibus, quos ad 50. & amplius recenset Fasol. 1. p. q. 12. art. 11. dub. 3. & leq. Quid ex modernotribus optimè, atque eruditissime illustrat, atque defendit sententiam istam, referens insuper pro illa nonnullos alios Patres. Ex quibus, qui expressius loquuntur, sunt de Moysi quidem S. Basili. homil. 1. in Exame, parvum à principio, De Paulo autem S. Ansel. in illud 2. Corinth. 12. *Rapius est in paradisum.* Pro opposita tamen stant cum multis ex præcis Theologis, Expositoribus, & Patribus ferè reliqui Recentiores Mol. 1. p. q. 12. art. 11. disp. 2. Vázq. disp. 55. & 56. Soan. lib. 2. de Attrib. cap. 30. Salas 1. 2. tract. 2. disp. 10. sec. 4. Beccan. cap. 9. de visione q. 7. Gran. tract. 7. disp. 1. n. 9. Trigos. 1. p. q. 7. art. 3. dub. 1. Salmer. tom. 1. tract. 31. verit. 7. Tolet. annot. 54. in cap. 1. Ioan. Maldon. ibi vers. 18. Cornel. Exod. 33. & Num. 12. & 2. Corinth. 12. vbi etiam Iustiniā. Recupit. lib. 6. q. 14. cap. 3. & 5. Amicus 1. p. disp. 9. fec. 25. Arriag. disp. 6. fec. 5. & alij ab his, & à Fallo. relati.

Propositio 3.

Tametsi sententia affirmans, Moylen, 14 & Paulum in hac vitā vidisse Deum intuitiūm, valde probabilis sit ob magnam presertim Patrum, qui eam sequuntur, auctoritatem; opposita nihilominus, pensatis omnibus, probabilior mihi videtur.

Primo propter testimonia Scripturæ, que omnibus hominibus vniuersitè negant visionem Dei in hac vitā. Ioan. 1. *Deum nemo vidit unquam.* Vngnitus, qui est in sinu Patris, ipse enarravit. Ioan. 6. Non quia Patrem vidit quisquam, nisi is, qui est à Deo, hic vidit Patrem, nempe Christus Dominus. 1. ad Tim. 6. *Quem nullus hominum vidit: sed nec video potest.* Certe, si Paulus in raptu Deum intuitiūm vidisset non adeo absolute, & vniuersaliter hæc verba protulisset. Quocirca declarans illa. Euaristus Papa in epis. 1. quæ habetur tom. 1. Concil. ait. *Lucem, quam Deus inhabitat, nullus nostrum in hoc mortali corpore constitutus potest aliquatenus contueri.* Ibidemque tanquam errorum videtur supponere, Moylen in hac vitā mortali Deum intuitiūm non vidisse; tametsi eius intentio, non sit id definire.

Secundo; quia in hac sententiā multi, 14 & grauissimi sunt Patres. Euaristus Papa modò relatus. S. Dionys. cap. 4. de cœlesti Hierarch. & in epist. 1. ad Cajum. Irenæus lib. 4. cap. 37. Nazian. orat. 34. Greg. Mag. lib. 18. moral. cap. 28. Orig. lib. 1. Periarc. cap. 4. & homil. 1. in Iaiam. Leo Mag. Serm. de Transfig. Bernard. Serm. 31. in cant. & serm. 2. in ramis palmarum. Tertull. contra Præexam cap. 14. Hieron. Dialog. contra Pelag. fine, & in cap. 6. Isaia. Isidor. lib. 1. de Summo bono cap. 7. Athan. q. 12. ad Antio. & alij apud præcitos Doctores.

Tertiò; quia loca Scripturæ, in quibus sententia opposita nititur, commodam, imo & probabilem pro nostra patiuntur interpretationem. Quod attinet enim ad Moylen, potissimum locus, qui affectur, est ille Num. 12. *Si quis fuerit inter vos Prophetæ Domini, in visione apparebit ei; vel per somnum loquar ad illum.* At non sic servus meus Moyses, qui in omni domo mea fidelissimus: ore domini ad os loquar ei, & palam, & non per angustias, & figuræ Deum videt. At hæc verba ut summum denotant quamdam maiorem familiaritatem Dei cum Moysi, quamcum alijs Prophetis, & maior rem excellentiam visionum, & apparitionum Dei, quas Moyses præ ceteris habuit. Hic enim Deus de ordinario modo loquendi cum Moysi agit; & tamen credibile non est, Moylen sequentes nudum ordinariæ, vidisse Deum intuitiūm. Tum eudem fere sensum præ se ferunt illa verba Exod. 33. *Loquebatur autem Dominus ad Moylen facie ad faciem,* sicut solet loqui domo ad amicum suum. Quia tamen communiter intelliguntur de facie visibili, in qua Dominus apparebat. Sicut Genet. 32. dixit Iacob. *Vidi Dominum facie ad faciem;* & salu- facta est anima mea. Vnde, cum statim in eodem cap. dixisset ad Deum Moylen. *Ostende mihi faciem tuam,* ut sciam te: ostende mihi gloriam tuam: petens nimírum, ut multi probabilissime interpretarentur, visionem claram diuinæ essentiaz (estò alij alter interpretentur). Respondit Deus. *Nos poteris videre faciem meam:* non enim videbit me homo, & vivet. Et rursus, *Videbis posteriora mea;* faciem autem

Disp. XVII. De nat. poss. & exis. Visi Dei Quest IX. 519

autem meam videre non poteris. Quibus satis significari videtur, visionem claram diuinam esentiam non solum non concilium, sed expressè negatam fuisse Moysi eam à Deo postulanti. Quod autem eam verbis predictis postulauerit, inde profectò suaderi videtur: quia Moyses non est putandus petuisse visionem aliovis figuræ, aut gloriæ corporalis, quam satis familiarem habebat loquens cum Deo facie ad faciem, sicut amicus ad amicum, ut verba antecedentia textus pronunciant.

Igitur petiuit visionem intuitiua esentiam diuinam cupiens vel obiter prægustare in hac vita sublimitatem gloriæ, quam ea secum fert; & hæc visio est, quam Deus illi tanquam interdictam mortaliibus denegauit. Vide alias expositiones horum locorum apud relatos Auctores, præsertim apud Vasquez supra.

146 Iam verò, quod attinet ad Paulum solum habemus ex Scriptura, *Quoniam rapius est in Paradisum, & audiuit arcana verba, quæ non licet homini loqui.* 2. Corin. 12. Hinc tamen solum cogi-
tur concedere, per extasim quādam, & mentis excessum fuisse raptum Paulum, ut ei aliissima, atque cœlestia secreta reuelarentur. Quod rorū circa claram Dei visionem potuisse fieri, non est dubitabile. Quin imo ita factum est, ex ipso Pauli testimonio probari potest. Dicit enim ibidem: nescire se, an ille raptus mentis sibi accidisset in corpore, vel extra corpus; hoc est, anima in corpore persistente, vel ab illo abstracta. Quod vtique non ignoraret, si visio tunc intuitiua Dei fuisse illi communicata. Imo verò raptus ipse, & abstractio à sensibus, quam passus est, carens arguit visionis, iuxta opinionem mihi veriorem assentem, visionem intuitiua Detinante aliigata corpori communicatam neutriquam illam vi sua in extasim rapere, ab usu sensuum abstrahere, seu præpedere. Quod sentit Vazq. disp. illa 56. n. 2. & tradunt Molin. supra concl. 2. Salas sec. 2. n. 33. & 42. & Soar. cap. 30. citato à num. 8. & latius tom. 2. de Relig. lib. 2. de orat. cap. 16.

Breuerque probari potest. Primo: quia Christus Dominus in hac vita, cum semper intuitiue videret diuinam esentiam, expeditum nihilominus retinuit semper vsum omnium suorum sensuum tam internorum, quam externorum. Neque credibile est, nouo aliquo miraculo ad id opus fuisse, quo, vel potentia naturales Christi contra vim visionis confortarentur, vel alter hæc impeditur, ne dictas potentias suis naturalibus functionibus defraudaret. Similiter Beati videntes Deum circa omne nouum miraculum, aut fauorem sensibus erunt expediti, non obstante visione. Secundo: quia, cum visio intuitiua Dei purè sit intellectualis, ab omnique operatione Phantasia omnino independens, non est, cur animam abstractam à sensibus rapiat in extasim. Huiusmodi enim raptus tunc solum connaturaliter accidit, quando, operante simul cum intellectu Phantasia, per vehementem aliquam attentionem, sive affectionem orundam à gratia contemplationis, aut etiam aliunde fortasse, exercitamus per potentiam corpoream, Phantasiam videlicet, aut Appetitum sensituum, ita spiritus animales, quibus ad operandum indigne facultates ita corpora, ad interiora auocantur, ut illis proflus destituti sensus externi inhabiles ad sentiendum reddantur. Cum tamen potentiae animæ spirituales ad suas spirituales operationes exercitas independenter à corporalibus, ut à vi-

dentibus intuitiue Deum exercentur, huiusmodi spirituum animalium affluxu nullatenus egeant. Nec refert illud principium, in quo potissimum nititur sententia contraria. Animam icilicet, quod plus suarum virium in unam operationem impedit, eò minis manere compotem aliarum. Quoniam hoc tantum habet locum, quando anima solis naturalibus virtibus operatur. Visionem vero Dei supernaturaliter elicit lumine glorie confortata, quo vires eius naturales ad alias operationes expeditæ manent. Quia de re plura Soar, supra, & Fasol. dubit. 1. qui contrariam sententiam sequitur cum S. Th. & alijs à se relatis. Quam etiam sequitur, latèque probare conatur Recupit. lib. 6. q. 13. Sed cuius conatum facile quicunque infringere poterit per dicta à nobis succintè, & obiter: ut melius constet, quanto argumento sine raptus, & alienatio à sensibus Pauli, quod ipse diuinam esentiam intuitiue non viderit.

Ex quibus omnibus colligitur quarta probatio nostræ propositionis. Cum enim ex multis, clarissimique laceræ Scripturæ testimonij habemus ab una parte, lege Dei universaliter statutum esse, quod nemo mortalium, dum superites est, intuitiue videat esentiam Dei; ab alia verò nullum sit testimonium efficaciter suadens, nedum convincens, Moysen, & Paulum ab ita lege universaliter speciali priuilegio exceptos fuisse; neutisquam sane videntur excepti afferendi. Accedit, quod si ad congruentias recurrimus, nullum fortasse speciale titulum in Moyse, & Paulo reperiemus, cur Deus ipsis potius, quam alijs eximiè sanctis, atque Apostolicis viris, huiusmodi priuilegium concederet.

Propositio 4.

Priuilegium videndi Deum intuitiue multò potiori iure est reliquis sanctis degandum. Si quis tamen ad aliquem cum fundamento idoneo extenderet, temerarius non esset.

Prior pars propositionis ex dictis circa præcedentem constat. Quia pro nullo aliorum Sanctorum extant firmiora fundamenta ad eis concedendam per exceptionem legis communis visionem claram Dei in hac vita, quam pro Moyse, & Paulo. Pro quibus tamen, que extant, adhuc non est sufficientia probauimus. Secundam partem propositionis contra Bann. Zumel, & Trigos. damnantes temeritatis eos, qui ad alios Sanctos extendunt priuilegium prædictum, latè tradunt, & probant Salas supra sec. 4. à n. 41. & Fasol. dub. 7. & seqq. exhibentes distinctè, & sigillatim fundamenta, quibus mouentur aliqui ad opinandum Adamum, Petrum Apostolum, Ioannem, Euangelistam, Iob, Ezechiellem, Isaiam, & S. Benedictum vidisse etiam in hac vita aliquando intuitiue Deum. Quas quidem opiniones, et si non sequantur dicti Doctores, vindicant tamen à temeritatis, imo & improbabilitatis censura, ut apud ipsos potest videri. Aliorum tamen iuspicionem, qui D. Augustino insuper, & Matri eius; atque etiam D. Hieronimo dictum priuilegium videndi Deum in hac vita adscriperunt, tanquam destinatum fundamento prorsus rejiciunt.

Pto.

Propositio 5.

150

De B.V. Mariæ plè nihilominus, & cum maiori probabilitate credi potest, interdum eleuatum fuisse ad videndum Deum intuituè, dum erat in hac vitâ mortali.

Quoniam ita sentiunt imprimis aut expresse aut interpretatiæ, quorundam de Moysè, & Paulo, aut etiam de alijs Sanctis existimant, in hac vitâ vidisse Deum, cum sit principium satis in Theologîa receptum post D.Bernar. in epist. ad Lugdun. & S. Th. 3. p.q.27. art. 5. nullam gratiam, nullum priuilegium alicui fuisse concessum, quod non sit centendus Christus. Dominus Matri amansissima concessisse. Deinde; quia ex alijs Doctoribus, qui dictum priuilegium Moysi, & Paulo, aliisque Sanctis negant, multi sunt, qui illud concedant B. V. Ac denum; quia Mater Dei non adeò legibus prouidentia communibus subiecta est, ut ceteri serui; multique extant in ea speciales tituli pro reliquis Sanctis, vt à communis lege excipiatur; vt in lege de contrahendo originali cernere licet. Atque ita sententiam illam speciatim tenent D. Antonin. Albert. Carthus. Germon. Calal. Villanova, Molina, & alij, quos referunt, & sequuntur Soar. tom. 2. in 3.p. disp. 19. sec. 4. Henr. lib. 3. Sum. cap. 11. §. 5. Canifius lib. 1. de B. V. cap. 43. Fasol. supra dubit. Alarc. 1. p. tract. 1. disp. 1. cap. 43. n. 7. Salazar tom. de Concepione cap. 32. & 44. n. 47. Nouissimèque Recupitus lib. 6. de Deo q. 14. cap. 1. egregie illustrat hanc sententiam, referens imprimis pro illâ 27. Doctores, & testimoniis 13. Patrum. Deinde decem rationibus ex doctrina Scripturæ, & Patrum eruditè confirmans. Quando autem B. V. Deum viderit intuituè, (cum certum sit, non vidisse rôto tempore vite), diffusè examinat Recupitus cap. 2. Videatur.

QVAESTIO X.

Vtrum anima iustorum sufficienter purgata statim videant claram Deum ante corporum resurrectionem.

152

DE hac re agit S. Th. 1.2.q.4. art. 5. & ibi eius expositores. Verum, quia ad existentiam visionis beatificæ pertinet, breuiter hic ab illâ nos expediemus. Multi ex antiquis Patribus tam græcis, quam latinis, quos referunt Vazq. 1. 2. disp. 19. cap. 1. Salas 9.5. tract. 2. disp. 10. sec. 5. Bellarm. tom. 2. coat. 4. lib. 1. de Beat. cap. 1. & alij in ea videtur fuisse sententiâ, vt existimarent, animas iustorum quantumvis sufficienter purgatas ante diem iudicij, vniuersalemque corporum resurrectionem ad claram Dei visionem non elevari. Hi sunt Tertull. Laçant. Victorin. Euthim. Irena. Justin. Origen. Hilari. Chrysost. Theodor. Theophilat. Oecumen. Ambros. August. & alij. Quinimo id ipsum fertur definisse Ioannes 22. Romanus Pontifex, Parisiensibusque præcepisse, vt ita docerent; neque vilum ad gradum Theologiae admitterent, nisi in eam sententiam iuraret, prout ex Ocham. in opere 93. dierum, Germon. Marsil. & Adrian. refert Salas num. 48. De plano

autem in eâdem sententiâ, seu potius errore fuerunt Anabaptistæ, Græci Schismatici, & Armeni; nouissimèque Lutherus, atque Calvinus, prout referunt Guido Carmelita in Summa de hereticis, Castro lib. 3. de heres. verbo Beatus. Præpolus in Elencho heres. verbo Armeni, & Græci, Sanderus 7. Monarchia heresi 118. Sixtus Senens. lib. 5. Biblioth. annot. 169. & lib. 6. annot. 345. Canif. tom. 2. de Corruptelis, verbi Dei, & lib. 3. de B. V. cap. 12. Bellar. supra, Salas, & alij.

Propositio 1.

Animæ iustorum post Christi mortem, cum primum sufficienter purgatae sunt, statim visione clara, & intuitu Dei donantur.

Propositio est de fide, & iam apud omnes Catholicos prorsus indubitate. Constatque imprimis ex multis Scriptura locis, in quibus, aut afferitur, aut supponitur Ecclesiastici 11. Facile est coram Deo in die obitus retribuere uniuersaque secundum vias suas. Quasi dicat, non est dubitandum, quin retribuet, omni impedimento cessante. Luce 23. Hodie mecum eris in paradiſo. Id est, in gloria regni cœlestis, ut exponunt Ambros. Beda. Theophilat. & alij. Ador. 7. Stephanus videns calos apertos, & Iesum stantem à dextris virtutis Dei, dixit, Domine Iesu suscipe spiritum meum. Id est à corpore exuentem admittit ad gloriam tuam cœlestem 2. Corinth. 5. Cum Paulus dixisset, Quandiu sumus in corpore, perigrinamur à Demino; per fidem enim ambulanſ; & non per speciem, subdit, Audemus autem, & bonam voluntatem habemus magis peregrinari à corpore, & presentes esse Deo. Quasi per antithesim dicat, potius vellemus exiti iam, & remoti à corpore per speciem, siue per visionem claram praesentes esse Deo in gloria cœlesti. Vide circa hunc locum S. Th. supra, Bellar. cap. 3. & Salas n. 51. Quò etiam spectat illud eiusdem Apostoli ad Philip. 1. Cupio dissolui, & esse cum Christo. Vtique in sua gloria, iuxta illud Ioh. 12. Vbi ego sum, illic & minister meus erit. Ad Ephes. 4. Ascendens in altum captiuam duxit captiuitatem. Id est, animas sanctorum Patrum secum duxit ad gloriam. Ut interpretantur Ambros. & alij. De quo plura Soar. tom. 2. in 3. p. disp. 43. sec. 3. Adde ea loca, ex quibus constat Christum Dominum morte sua Paradisi cœlestis ianuas aperuisse, & viam ad illum fecisse. De quo plura Soar. ibi disp. 41. Nec non loca, quibus Sancti regnare cum Deo in Cœlo dicuntur; habenturque potissimum ad Hebr. 12. & Apocal. 1. 5. 12. & 17.

Secundò constat propositio ex Ecclesiæ definitione. Definierunt quippe illam Benedictus 12. alias 11. in Extravagante Benedictus Deus. Quam ad verbum referunt Castro, & alij, prout supra à nobis q. 1. num. 9. notatum est. Item Innocentius 3. cap. Maiores, de Baptismo, & cap. Ad Apostolicam, de Presbytero non baptizato. Consilium Florent. fest. vlt. in litteris unionis Trident. fest. 25. in decreto de veneratione Sanctorum, Francoford. in epis. ad Episc. Hisp. prope finem, & Moguntin. cap. 46. & 49. Huc faciunt Ecclesiæ decretalia pro beatificatione, & canonizatione Sanctorum, quibus eos venerari inbet, dignolique veneratione debitâ Beatis definit, tanquam, qui iam in gloria cœlesti clara Dei visione fruantur.

Fa-